

Oqaluuserisassanut nassuiaat.

(Inatsisartut Siulittaasoqarfiat)

Naalakkersuisut qinnuteqarput ullumi ataatsimiinnissatsinnut immikkoortumik nutaamik ilanngussisoqassasoq, tassalu Naalakkersuisunut ilaasortassanik qinersineq. Immikkoortoq taanna oqaluuserisassani immikkoortutut siullertut suliaris-savarput

Imm. 23:

Naalakkersuisunut ilaasortassanik qinersineq.

Naalakkersuisut kissaateqarneratigut oqaluuserisassanit peerneqaralarpoq. Immikkoortup ataatsimiinnermi matumani oqaluuserineqarnissaanik nutaamik maanna kissaateqartoqarpoq. Immikkoortoq 7/11 siullermeerneqariarluni ulloq 27/11 aappassaaneerneqassaaq.

Naalakkersuisut immikkoortut uku suliarineqarfissaasa allanngortinneqarnissaanik qinnuteqarput: 124, 132, 24, 25, 107, 77, 84, 85, 127.

Imm. 124:

Imartani Kalaallit Nunaata aalisarnikkut oqartussaaffigisaani raajarniarneq pil-lugu Namminersornerullutik Oqartussat nalunaarutaata nr. 23, 29. august 2002-imeersup allanngortinneqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni kilisaatit umiarsu-armi namminneq tunisassiorsinnaasut, basisliniemiit 3 sømiilit iluanni aalisarsin-naatitaannginnissaat atuutitertinneqartussanngorlugu.

Aappassaaneerneqarnissaa 7/11-miit 13/11-mut nuunneqarpoq.

Imm. 132:

Ukioq naallugu sapaatip akunnikkaartumik Narsarsuup Keflavikillu akornanni amigartooruteqarsinnaanermut qulakkeerutissalimmik 1. januar 2014-imiit timmisartoqartalernissaanik Naalakkersuisut pilersitsinissamik peqquneqarnissaanik Inatsisartut aalajangiiffigisassaattut siunnersuut.

Aappassaaneerneqarnissaa 20/11-miit 26/11-mut nuunneqarpoq.

Punkt 24:

Kalaallit Nunaannut kræfti pillugu pilersaarut.

Oqaluuserineqarnissaa 20/11-miit 13/11-mut nuunneqarpoq.

Imm. 25:

Kalaallit Nunaanni imminut toquttoqartarnera pitsaaliorniarlugu nuna tamakkerlugu iliuusissatut siunniussat 2013-2019.

Oqaluuserineqarnissaa 21/11-miit 23/11-mut nuunneqarpoq.

Imm. 107:

Issittumi imaani uuliakoornermut upalungaarsimanissamut akiuiniarnermullu tunngatillugu suleqatigiinnisaaq pillugu isumaqatigiisummut Kunngaqarfik Danmarkip akuersinerata Namrninersorlutik Oqartussanit ilalerneqarnissaa pillugu Inatsisartut aalajangiiffigisassaattut siunnersuut.

Aappassaaneerneqarnissaa 5/11-miit 12/11-mut nuunneqarpoq.

Imm. 77:

Aningaasaateqarfimmi aningaasat katersat ileqqaakkallu erniaat taamaallaat atorneqarsinnaaneri siunertaralugu Aatsitassarsiornermi Aningaasaateqarfik pil-

lugu Inatsisartut inatsisaannut nr. 6, 5. december 2008-meersumut allannguutisamik saqqummiussinissaannik Naalakkersuisut peqquneqarnissaannut Inatsisartut aalajangiiffigisassaattut siunnersuut.

Aappassaaneerneqarnissaa 5/11-miit 12/11-mut nuunneqarpoq.

Imm. 84:

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaannut Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Inatsisartut ukiut tulleriissut aappassaanni nunatta karsiata naatsorsuutaanik aatsaat akuersereeraangata aningaasaateqarfik aallartinneqartassasoq, aatsaallu ukiumi naatsorsuiffiusumi aatsitassanit isertitat 10 millioner kroninit annertunerusimappata. Inatsisartut inatsisaat ukiup tullissaani 1. januarimi atuu-tilissaaq imaluunniit Naalakkersuisut aalajangiippata siusinnerusukkut. 10 millioner kronit taaneqartut Inatsisartut ukiumi pineqartumi Aningaasaqarnermut inatsisaat naapertorlugu ataatsimut isigalugu akit akissarsiallu nalingannut naleqqussarneqartassapput.

Aappassaaneerneqarnissaa 5/11-mit 12/11-mut nuunneqarpoq.

Imm. 85:

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaannut kingusinnerpaamik FM2014-imi Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaanni aatsitassarsiornermit isertitanut paasinninnera Namminersorneq pillugu inatsimmi aatsitassarsiornermit isertitanut paasinninnermit immikkoortinneqassasoq. Allannguinermit tigussaasumik atortut, soorlu oliamik maqisuunnginnissamut atortut, illuutit sa-

naartukkalluunniit allat atortullu Kalaallit Nunaata Aatsitassarsiornermi Aningaasaateqarfiani aatsitassarsiornermit isertitatut naatsorsuutigineqannginnissaat allanneqartariaqarpoq.

Aappassaaneerneqarnissaa 5/11-mit 12/11-mut nuunneqarpoq.

Imm. 127:

Kalaallit Nunaata Extractive Industries Transparency Initiative-mi (EITI) candidate/compliant country status-eqarluni ilaasortanngorsinnaaneranut periarfissat pillugit Naalakkersuisut naalagaaffimmut attaveqaqqullugit peqquneqarnissaanik Inatsisartut aalajangiiffigisassaattut siunnersuut.

Aappassaaneerneqarnissaa 21/11-mit 26/11-mut nuunneqarpoq.

Aningaasaqarnermut Akileraartarnermullu Ataatsimiititaliaq qinnuteqarpoq imm. 101-ip aamma 103-p aappassaaneerneqarfissaata pingajussaaneerneqarfissaasalu nuunneqarnissaannik. Imm. 101 5/11 pingajussaaneerneqartussaagaluarpoq maannalu siunnersuutigineqarluni ulloq 7/11 pingajussaaneerneqassasoq. Imm. 103 5/11 aappassaaneerneqartussaagaluarpoq, maannalu 7/11 aappassaaneerneqartussanngorluni. Pingajussaaneerinninniffissaq allanngunngilaq.

Imm. 101:

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata nr. 11, 3. december 20 12-imeersup allanngortinneqarneranik Inatsisartut inatsisaat.

Imm. 103:

Uunga siunnersuut: Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisaat.

Imm. 90-ip aappassaaneerseqarnissaa 14/11-miit 27/11-mut nuunneqarpoq.

Imm. 90:

Aatsitassarsiorfinni atorneqartussani dieseli ikummatigalugu nukissiuutini ator-tulersuutit NOx-inik taaguutillit millisaatit atorneqartalernissaat siunertaralugu Naalackersuisut UPA 14-imut inatsisissatut siunnersuummik saqqummeeqqullu-git Inatsisartut aalajangiiffigisassaattut siunnersuut.

Siunnersuuteqartoq Naaja Nathanielsen, Inuit Ataqatigiit, qinnuteqarpoq

imm. 87-ip:

Naalackersuisut telemik niuernerup piviusumik unammilleqatigiiffiunissaanik ammaassillutik kingusinnerpaamik UPA 2014-imi inatsisitigut aaqqiissuteqar-nissaq pillugu saqqummiussinissamut pisis-saaffilerneqarnissaannik Inatsisartut aalajangiussassaattut siunnersuut, taamaalillutik internetimik neqeroorutillit nu-taat niuerfimmut isersinnaalerniassammata. Tamatumunnga ilanngullugu qulak-keerneqartariaqarpoq telemik niuernermi pilersuisussaataaneq attatiinnarneqas-sasoq pilersuisussaataanermilu amigartooruteqarneq telemik ingerlatallit er-soqatigiillutik matussusertassagaat, oqaluuserineqarnissaata UPA2014-mut kinguartinneqarnissaanik. Siunnersuut ullumi ataatsimiinnitsinni oqaluuserineqartussaagaluarpoq.

Piffissami ullumi novembarip tallimaaniit arfineq aappaat ilanngullugu Inatsi-sartunut ilaasortat:

Kuupik Kleist, Inuit Ataqatigiit aamma Nikolaj Jeremiassen, Siumut taasisarne-rit pillugit isumaqatigiissuteqarput.

